



Aalisarnermut Piniarnermullu Naalakkersuisoq
apn@nanog.gl

Dato: 26-04-2022
J.nr.: 01.36.01.03-00112

Ulloq 29. april 2022 nal. 13-14 ataatsimiittarfik Erling Høeghimi aalisarnermut piniarnermullu inatsit pillugu ilisimatitsinissamut aggeqqusissut

Oqaluuserisassaq 170 piniarnek aallaaniarnerlu pillugit/ inatsisissatut siunnersuut pillugu Aalisarnermut Piniarnermullu Naalakkersuisumik ilisimatitsinissamik ataatsimeeqateqartoqarnissaa Aalisarnermut-, Piniarnermut- Nunalerinermullu Ataatsimiititaliap 25. april 2022 ataatsimiinnermini aalajangerpaa.

Ilisimatitsinissamut ataatsimiinnissaq pissaaq tallimangorneq 29. april 2022 ataatsimiittarfimmi Erling Høeghimi

Oqaluuserisassat tullingguuttut Ataatsimiititaliap oqaluuseriniarpai itisilertikkusullugillu / §§:

- Sunngiffimmi piniarsinnaasut ukiutigut killigitataq 15-nik ukiulinnut tuttunniartunut apparniarneqarpoq (§ 14, stk. 1)
- Akunnerup naanerini nalliuttunilu kalaalimineerniarfinni nalunaarsuinerit malitsigisaanillu tuniniaarnerit ajornartorsiutitaqarneri, kommunit allaffiisa matoqqanerini (§ 23)
- Najugaqartussaananermik piumasaqaat akileraartussaananermillu pisussaaffeqarnek (§§ 7,10 aamma 14) – inuussutissarsiutigalugu piniartunngorsinnaanermut aamma sunngiffimmi piniarsinnaananermik allagartaqarnermut aallaaniarnermullu najugaqareernissamik piumasaqaataasup sivitsornissaa ukiut 3-ni imaluunniit ukiuni 5-ni.
- Arfanniarnek pillugu aqutsisoqarfinni inuit allattorsimaffianni najugaqarnissaq (12, imm. 2)
- Pisanik arsaarinnineq – qaqugukkut pisinnaananerani itisiliineq.
- Kommuunimi aqutsineq ingerlatsinerlu (§ 27)

Ataatsimiinnerup nalaani inatsisissatut siunnersuut pillugu ilassutaasunik apeqqateqartoqarsinnaanera ataatsimiititaliap naatsorsuutigaa.

Inussiarnersumik inuulluaqqusillunga



Hans Aronsen

Aalisarnermut-, Piniarnermut- Nunalerinermullu Ataatsimiititaliap siulittaasua



Inatsisartut Aalisarnermut, Piniarnermut Nunalerinermullu Ataatsimiititaliaa,

Siulittaasoq Hans Aronsen
Maani/Her

lekn@ina.alla.gl

Piniarneq aallaaniarnerlu pillugit Inatsisartut inatsisaat pillugu apequtitut akissut

Dato: 26-04-2022
Sags nr.: 2021 - 21554
Akt. nr.: 19911641

Oqaluuserisassaq imm. 170 piniarneq aallaaniarnerlu pillugit - inatsisissatut siunnersuut pillugu Aalisarnermut Piniarnermullu Naalakkersuisumik ilisimatitsinissamik ataatsimeeqateqartoqarnissaa Aalisarnermut-, Piniarnermut- Nunalerinermullu Ataatsimiititaliap apriliip 25-anni 2022 ataatsimiinnermini aalajangersimavaa.

Ilisimatitsinissamut ataatsimiinnissaq pissaaq tallimangorneq 29. april 2022 ataatsimiittarfimmi Erling Høeghimi.

Oqaluuserisassat tullinnguuttut Ataatsimiititaliap oqaluuseriniarpai itisilertikkusullugillu, tulleriinneri malillugit akissuteqarfigineqarput:

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

- 1) Sunngiffimmi piniarsinnaasut ukiutigut killigilitaq 15-nik ukiulinnut tuttunniartunut apparniarneqarpoq (§ 14, stk. 1)
- 2) Sapaatit akunnerisa naanerini nalliuttunilu kalaalimineerniarfinni nalunaarsuinerit malitsigisaanillu tuniniaarnerit ajornartorsiuqarneri, kommunit allaffiisa matoqqanerini (§ 23)
- 3) Najugaqartussaannermik piumasaqaat akileraartussaannermillu pisussaaffeqarneq (§§ 7,10 aamma 14) – inuussutissarsiuqarlugi piniartunngorsinnaanermut aamma sunngiffimmi piniarsinnaanermik allagartaqarnermut aallaaniarnermullu najugaqareernissamik piumasaqaataasup sivitsornissaa ukiuni 3-ni imaluunniit ukiuni 5-ni.
- 4) Arfanniarneq pillugu aqutsisoqarfinni inuit allattorsimaffianni najugaqarnissaq (12, imm. 2)
- 5) Pisanik arsaarinninneq – qaqugukut pisinnaaneranik itisiliineq.
- 6) Kommuunimi aqutsineq ingerlatsinerlu (§ 27)
- 7) Ataatsimiinnerup nalaani inatsisissatut siunnersuut pillugu ilassutaasunik apequteqartoqarsinnaanera ataatsimiititaliap naatsorsuutigaa.

Pillugu 1) Siunnersuutaasimasup imarisaasa pingaarnerit ilaatigut ilagivaat aallaaniar-nissamut allagartaqarnissamut 16-ileereersimanissamik piumasaqaateqarnissaq – tama-tigut. Siunnersuummi inuussutissarsiuqarlugi piniarsinnaanermut allagartaqarnissamut sunngiffimmi piniarsinnaanermut allagartaqarnissamut piumasaqaatit immikkoortinne-qarsimapput. Taakkununga marlunnet 16-ileereersimanissaq piumasaqaataasimaga-luarpoq. Taamatut allannguuteqarnermi piniarneq aallaaniarnerlu pillugit inatsit sakkut pillugit inatsisissatut siunnersuummut naapertuutsinniarneqarsimavoq.

Tassunga ilanngullugu 16-inik ukioqalereersimanissamut piumasaqaat tuttunniarnermi umimmanniarnermilu akuersissuteqarnissamut piumasaqaammut 2013-imi atuutiler-sumut naleqqussarneqarpoq. Taamatut piumasaqaateqarneq uumasunut piniakkanut killilersukkanut tamanut atuutsinniarneqarpoq. Piniakkanut killilersukkanut 15-ileereer-simanissaq 2019-imi ukiakkut taamanikkut Naalakkersuisuusunit aalajangiunneqarpoq -

tamatigut 16-ileereersimanissaq pinnagu, kalaallit aallaaniarnikkut piniarnikkullu kulturiat tunngavigalugu.

Pillugu 2) Nalunaarutini atuuttuni erseqqissarneqarpoq pisanik nalunaarsuineq, taamatullu tunisineq, soorlu kalaalimeerniarfinni, kommunit allaffiisa matoqqanerini sap.ak.-isa naanerini nalliuttunilu pisinnaasut, kommunit allaffiisa ammarnerini piaartumik nalunaarsuineq ingerlanneqassappat. Tamanna assersuutigalugu arfernik angisuunik, aavernik, qilalukkanik qaqortanik qernertanillu illersuineq piniarnerlu pillugit nalunaarutini atornerqarpoq.

Pillugu 3) Paatsoortoqarsimassaaq, tassami inuussutissarsiutigalugu aallaaniarsinnaanermut allagartaqarnissamut ukiut pingasut imaluunniit tallimat piumasaqaataaniangillat, taamaallaalli sunngiffimmi aallaaniarsinnaanermut allagartaqarnermut tunngatillugu sukaterinerulluni inunnut Kalaallit Nunaannut noorlaanut.

Assigiinngitsut pissutigalugit inuussutissarsiutigalugu piniarsinnaanermut imaluunniit sunngiffimmi piniarsinnaanermut allagartamik qinnuteqannginnermi ukiuni kingullerni marlunni ataannartumik Kalaallit Nunaanni najugaqarsimanissamik piumasaqaat Naalakkersuisut attatiinnarpaat, piniakkat killilersukkat eqqarsaatigalugit. Tassunga pissutaasoq pingaarnarpaq tassaavoq nunatsinnut nooqqammersut nunaqavissutulli allatut akileraartartueneri. Piniakkanut killilersukkanut, soorlu tuttunniarnissamut umimmanniarnissamullu akuersissutinik qinnuteqartoqartillugu, ulloq qinnuteqarfiusoq sioqqullugu ukiuni kingullerni qulini sivikinnerpaamik ukiuni marlunni ataannartumik nunatsinni najugaqarsimasuunissamik piumasaqaataavoq. Tamanna sunngiffimmi pinialuttartunut taamaallaat atuuppoq. Aammattaaq inuiaassuseq tunngavigineqanngilaq, tassa imaappoq inuiaassuseq tunngavigalugu assigiinngisitsisoqanngilaq. Taama ililluni Europami Inuit Pisinnaatitaaffii pillugit Isumaqaatigiisummi immikkoortoq 14 malinneqarpoq, inuiaassuseq pillugu assigiinngisitsinermut assersuut eqqarsaatigalugu.

Sunngiffimmi piniarsinnaanermut allagartaqarnissamut ukiunik pingasunik imaluunniit tallimanik qaavatigut sukaterineq allannguutaassaaq annertoq kiisalu Inuit Pisinnaatitaaffiinut Isumaqaatigiisummut naapertuunnani.

Pillugu 4) Nunat Tamalaat Akornanni Arfanniarnermut Ataatsimiititaliarsuup Kalaallit Nunaata kitaani tunumilu arfattassat aalajangertarpei. Assersuutigalugu Kalaallit Nunaata kitaani tikaagulleqatigiit ataatsitut isigineqarput. Taamaattumik assersuutigalugu angallat qamutilimmik tuukkartalimmik pilik Nuummeersoq, tikaagullinniarnissamut akuersissummik peqartoq, Maniitsumut imaluunniit Sisimiunut imaluunniit Kalaallit Nunaata kitaata sinneranut tikaagullinniarsinnaavoq, taamaattorli kommunerisamini pisani nalunaarutigissavaa. Angallat akuerineqarsimasoq kommunimini akuersissummik peqanngippat, taava piginnittoq kommunimut allamut akuersissummik qinnuteqarsinnaavoq, tikaagullinniarnerni atillugu qaninnerusumut. Pisanili kommunerisamini nalunaarutigissava. Periarfissaq tamanna atornerqartarpoq eqaatsumik periuseqarñissaq kissaati-gineqarmat. Tikaagullinnut, qipoqqarnut, tikaagulliusaanut arfivinnullu pisassat sinneqarjupput, pingaartumik angallatinut qamutilissortunut.

Pillugu 5) Arsaarinnittoqarnerusarpoq piniakkanik killilersukkanik akuersissuteqarani pisaqartoqarsimatillugu, imaluunniit piffissap piniarfigeqqusaasup avataatigut pisaqartoqarsimatillugu imaluunniit uumasogatigiinnit allanit pisaqartoqarsimatillugu. Tassa imaappoq malittarisassat atuuttut ersarissumik unioqqufinneqarsimatillugit. Piniakkat killilersukkat tamarmik akuersissuteqaqqaarluni imaluunniit allassimasumik akuersis-

summik peqartoqartillugu pisarineqarsinnaapput, tassanilu takuneqarsinnaallutik assersuutigalugu nannunniarnissamat qilalukkanilluunniit qernertarniarnissamat piumasaaqaa-tinik naammassinnissinnaaneq. Arsaarinnittoqartarpoq uppersarneqarsinnaasumik piniarnermi piumasaaqaa-tinik unioqqutitsisoqarsimatillugu, politiillu arsaarinnittuusarput. Assersuutigalugu unioqqutitsilluni nannuttoqarsimatillugu arsaarinnittoqarnerani neqaa nunaqqatigiinnut agguanneqartarpoq. Amia, kukii niaqualu kigutitalik arsaarinnis-sutigineqartarput Naalackersuisoqarfimmullu nassiunneqarlutik, tassaniitneqartarpullu suliap Politiiniit naammassineqarnissaata tungaanut. Qaammatit marluusinnaapput ukiut marluk tungaanut, taamaalineranilu suliap nutaanngilisooarsimasarpoq. Naalackersui-soqarfiup ammit assersuutigalugu Katersugaasivinnut, Sisimiuni Kalaallisuuliornermik Ilinniartarfimmullu nassiuttarpei, kulturitsinnut atatillugu atorineqarsinnaasunngorlugit.

Nannup arnaviap piaraata/-salu amii niaquilu aamma arsaarinnissutigineqarsinnaasarpup, imminut illersorniarluni imaluunniit allatut ajornartumik toqunneqarsimasunit pisuuppat. Nanoq arnaviaq piaraalu eqqissisimatitaalluinnarpoq. Nannup inersimasup neqaa nunaqqatigiinni agguarneqartarpoq. Nannup piaqqap amia neqaa ikuallanneqartarput. Nannut allat inersimasut imminut illersorniarluni imaluunniit allatut ajornartumik toqunneqarsimasut ilaatigut aamma Tunumi atuarfimmu atuartitsinermi atugassatut nassiunneqarnikuupput, imaluunniit Politiinut ilinniartitsinerminni atugassaattut, imaluunniit mittarfinni CITES pillugu paasititsiniaalluni saqqummersitsinerneq ataatillugu atugassatut.

Malittarisassalli januarip aallaqqaataani 2022 allanngortinneqarput, taamaalillutik nannut imminut illersorniarluni imaluunniit allatut ajornartumik toqunneqarsimasut maanna pisassanut ilanngaatigineqartalerlutik. 2022-mi pisassanut nannut qulit Naalackersuisunit ilaatinneqarput. Taama pisoqartillugu piniartup inuussutissarsiutigalugu piniarsin-naanermut allagaqartaqartup imminut illersorniarluni/allatut ajornartumik nanoq pisarisani tamaat pisinnaanngorpaa. Nannulli arnavissat piaraallu eqqarsaatigalugit tamanna allaaneruvoq, taakkumi eqqissisimatitaalluinnarput. Taamaalisooqartillugu nannup arna-vissap inersimasup neqaa nunaqqatigiinni agguarneqassaaq, amia kukiilu kiisalu niaqua kigutai ilanngullugit Naalackersuisoqarfimmiisinneqassapput, piararli tamarmi ikuallan-neqassaaq.


Pillugu 6) Nuna tamakkerlugu pisassat pillugit Naalackersuisut aalajangereeraangata, kommunit ataasiakkaat pisassat illoqarfinnut nunaqarfinnullu agguataartarpaat. Taama ilisoqartillugu kommunit namminneerlutik aalajangertarpaat pisassat qassit inunnut inuussutissarsiutigalugu piniarsinnaanermut allagartallinnut aamma/imaluunniit sunngiffimmi piniarsinnaanermut allagartallinnut tunniunneqassanersut, tassani pineqarput tutut, umimmaat, qilalukkat qaqortat qernertallu. Kommuninit akuersissutit qinnuteqarsimasunut tunniunneqartarput.

Assersuutigalugu Qeqqata Kommuniata ukiumi aamma aasami/ukiami umimmattassat agguataartarpaat, kiisalu akuersissutit agguataarneqarneri tunniunneqarnerilu isumagisarlugit, ilaatigullu pisassanik sinneruttunik agguasseqqittarlutik. Kommunip nammineq aalajangertarpaa pisassanik qassit inunnut qimussimik angallateqartunut aamma/imaluunniit qamuterallannik/ATV-nik angallateqartunut tunniunneqassanersut.

Kommuni ileqqoreqqusaliornermigut erseqqinnerusunik malittarisassiorsinnaavoq assersuutigalugu ukiuunerani umimmanniarnermi qamuterallannik, qimussinik imaluunniit ATV-nik atuinnermut tunngatillugu. Qamutit motorimik angallatillit aqutissaasa sumiinnissaat kommunip nammineq aalajangertarpei.

Kommuni aamma puisinniarnermi imaluunniit qernertanik qilalugarniarnermi qassu-
sersornissamut tunngasunik ileqqoreqqusaliorsinnaavoq. Ileqqoreqqusaq kommunip
suliaa Aalisarnermut Piniarnermullu Naalackersuisumit atortussanngortinneqassaaq.

Inussiarnersumik inuulluaqqusillunga



Karl Tobiassen

Aalisarnermut, Piniarnermullu Naalackersuisoq



Inatsisartut Aalisarnemut, Piniarermut Nunalerinermullu Ataatsimiititaliaat
Siulittaasoq Hans Aronsen

Att. Steen Qourning pr. STQUO@ina.ala.gl

**Allakkatigut akissut, ataatsimoorussilluni piniarneq aammalu Politimester-imit
tusarniaanermut akissut –Apriliip 29-anni 2022 paasisutissiilluni
ataatsimiinnermit malinnaatitsineq pillugu**

Dato: 09-05-2022
Sags nr.: 2021 - 21554
Akt. nr.: 19950274

Apriliip 29-anni 2022 Aalisarnemut Piniarermullu Naalakkersuisup aammalu
Inatsisartut Aalisarnemut, Piniarermut Nunalerinermullu ataatsimiititaliaata akornanni
paasisutissiilluni ataatsimiinnermi Ataatsimiititaliamit paaserusunneqarpoq, "Piniar-
tarnep aaqqissuunneqarneranut" malittarisassat. Ataatsimoorussilluni piniarnermi
piniartoq ataasiinnaangippat, inuusutissarsiuutigalugu aammalu saniatigooralugu
piniartunut saniliutissagaanni qanoq paasisariaqarnerisq. Tassunga ilanngullugu
pisanik agguassinnermi malittarisassaqaarnerisq.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanaq.gl
www.naalakkersuisut.gl

Ataatsimoorussilluni piniarermut tungasoq:

Aallarniutigalugu innersuutigineqarpoq § 8a-mi piniaqatigiinneq pillugu inatsisikkut
tunngavik; "Piniarneq aallaaniarnerlu pillugit Inatsisartut inatsisaata allanngor-
tinnegarneranik Inatsisartut inatsisaat nr. 9, 15. april 2003-meersoq (Piniaqatigiinnermik
aqutsisussamik toqqaasarneq):

"§ 8a. Piniaqatigiinnermut atatillugu piniaqatigiinnermi aqutsisussamik toqqaanissaannut
peqatigiiffiit kattuffiillu Naalakkersuisut piginnaatissinnaavaat.

Imm. 2. Piniaqatigiinnermik aqutsisup piniaqatigiinnermi peqataasutut allatut pinia-
qatigiinnermut peqataanermut piumasaqaatit qaqugukkulluunniit atuuttut naammas-
sisimassavai."

Ataatsimoorussilluni piniartoqartillugu kinguliini aalajangersakkat assigiinngitsut
tulliuttuni allaaserineqarput:

Arferit angisuut:

Aallartissutigalugu tikaagullinniarneq akuerisaavoq angallatit qamutilillit tamakkerlugu
9,2 aammalu 22 meter-nik tamakkerlugu takissusillit (l.o.a.) akornanni. Angallatit
qamutilillit illoqarfanni aammalu nunaqarfanni tamani piunngillat. Taamaallilluni
umiatsiaaqqat atorlugit aammalu qoorortoorsorluni, sulloqqortussuseq 30-06 (7,62x63
mm) atorlugu killilimmik tikaagullinniarneq periarfissinneqarpoq. Namminersorlutik
Oqartussat Nalunaarutaanni § 13, nr. 9, 6. December 2018-imeersumi, arfernik
angisuunik illersuinnermi piniarnermilu umiatsiaararsorluni ataatsimoorussilluni
tikaagullinniarnermi piumasaqaatit allaaserineqarput, ilaatigut akuersissut
umiatsiaaqqanut ikinnerpaamik tallimanut tunniunneqarsinnaammat, neqissaqarniarneq
eqqarsaatigalugu, inoqutigiinnut pingaaruteqartut nalilerneqarpat. Ataatsimoorussilluni
piniarniarneq akuersissutigineqassappat naalunaarummi immikkoortut allat arfineq
pingasut naammassisimasariaqarput.

Aamma ataatsimoorussilluni tikaagulliusaamik angallatit marluk 9,2 m-nik tamakkerlugu
takissusillit atorlugit piniartoqarsinnaavoq, piffimmi pineqartumi minnerpaamik 11 m

takissuseq tamakkerlugu angallateqarsimanngippat, takuuk. § 16. Tikaagulliusaat uumasuupput angisoorsuit aammalu pisariaqarluni uumasooq taamaattoq toqunnniaraanni naleqquttunik sakkoqarnissaq. Arfiviit qipoqqaallu ataatsimoorussilluni qamutilimmik piniarneranni aamma malittarisassat assingusut atorneqarsinnaapput, takuuk. § 19 aammalu § 22.

Qilalugaq qaqortaq aammalu qernertaq:

Qilalukkap qaqortap qernertallu piniarnerani oqaasertaliunneqarpoq, "Ataatsimoorluni piniarneq ima paasineqassaaq, piniartunit ataatsimoortunit ukunannga inunnit piniarnermut allagartalinnit piniarneq ingerlanneqartoq", takuuk Namminersortutik Oqartussat Nalunaarutaani § 2-mi, nr. 3, 27. Januar 2017-imeersumi, qilalukkat qaqortap qernertallu illersorneqarnerannut piniarneqarnerannullu tunngasoq.

§ 8-mi, imm. 1-mi allassimavoq "Nunap immikkoortuani uumasooqatigiinnut pisassiissutinik Naalakkersuisut aalajangersaanerisa iluanni qinnuteqarneq malillugu Kommunalbestyrelsi qinnuteqartunut ataasiakkaanut ataatsimoorlunilu piniarnissamut akuersissutinik tunniussisassaaq."

§ 9, imm. 2-mi allassimavoq "Kommunalbestyrelsi inuussutissarsiutigalugu piniartunut aamma sunngiffimmi piniartartunut ataatsimut piniarnissamut akuersissummik tunniusseqqusaanngilaq."

Taamatuttaarlu imm. 3-mi aammalu 4-mi §-imi pineqartumi: "Kalaallit Nunaata kitaani aqutsiveqarfimmi qilalukkanut qaqortanut qernertanullu pisassiissutit 10 procentii angullugit sunngiffimmi piniarsinnaatitaasunut tunniunneqarsinnaapput.

Imm. 4. Kangiani aqutsiveqarfinni qilalukkanut qaqortanut qernertanullu pisassiissutit 15 procentii angullugit sunngiffimmi piniarsinnaatitaasunut tunniunneqarsinnaapput."

Tamanna peqquteqarpoq kommuuninit aammalu KNAPK-mit kissaatigineqarmat, inuussutissarsiutigalugu piniartut aammalu sunngiffimmi piniartut avissaartinneqarnissaat, siusinnerusukkut ataatsimoorluni piniaqatigiinnermi, pineqartut akornanni pisanik agguassineq pillugu assortuussutigineqartarsimmata.

§ 10-mi piomasaaqatit allaatigineqarput "ataatsimoorluni piniartoqassatillugu piniarnermut naalakkatut toqqarneqartumut akuersissuteqartoqassaaq. Ataatsimoorluni piniarnermut naalagaq peqataasullu sinnerisa aqqi inuuiilu akuersissummut allanneqassapput."

Nannut:

Nannunniarnermut atatillugu ataatsimut piniaqatigiinneq aamma periarfissaavoq. § 16 naapertorlugu "Piniaqatigiittoqarsimatillugu pisaq nalunaaruteqartussatut toqqakkamit ataasiinnarmit, assersuutigalugu akuersissummik piginnittumit, nalunaarutigineqassaaq, piniaqataasimasut tamarmik aqqi inuttullu normui nalunaarlugit."

Aarrit:

Aavernut tunngatillugu assingusumik aqqiussusaqarpoq, takuuk § 11, imm. 4 Namminersornerullutik Oqartussat nalunaarutaat nr. 20 af 27. Oktober 2006-imeersumi avernik illersuineq piniarnerlu pillugit "Piniaqatigiittoqarsimatillugu pisaq nalunaaruteqartussatitमित toqqakkamit ataasiinnarmit, assersuutigalugu akuersissummik piginnittumit, nalunaarutigineqassaaq, piniaqataasimasut tamarmik aqqi inuttullu normui nalunaarlugit." Taamaallaat inuussutissarsiutigalugu piniartut aavernik pisaqarsinnaapput. Akuersissutit sinnerlugit piniarnissamik qinnuteqartoqarnerani kommunimit agguataa-

rinissaq aalajangerneqassaaq, takuuk. § 6 (makitsineq, tullerriarineq imaluunniit assingusumik).

Ningerneq – pisanik agguagarsineq:

Kommunini pisanik ningertarnermut imaluunniit agguaanermut tunngatillugu Naalakkersuisut imaluunniit Naalakkersuisoqarfik akuleruttangillat. Annertuumik eqimattani assortuuttoqartillugu kommuni malittarisassaliornissamik nalunaaruteqassaaq. Periarfissaq taanna nannunik illersuineq piniarnerlu pillugit nalunaarusiornermut ilanngunneqalersaarpoq, pingaartumik Tasiilap aqutsiveqarfiani assortuunnerit annertuut pisinnaasarmata, nannunik takunneqqaarnermi ileqquusumut tunngatillugu. Ittoqortoormiini aammalu Tasiilami aqutsiveqarfinni KNAPP-qarfimmini "Ataqeqatigiinnissamik lumaqatigiisummik" pilersitsisimapput, 2019-2020-lu missaani ileqqoq pineqartoq atorunnaarsinneqarluni, taamaalilluni nannuttassat taamaallaat inuussutissarsiutigalugu piniarnermut akuersissutillit nannuttassanik tuneqartarlutik. Assortuunneq uteqattaartuarmat nannunik illersuineq piniarnerlu pillugit nalunaarummut missingersuummi kommunit malittarisassiorsinnaanerit siunniunneqarpoq, taamaalilluni kommunimi innuttaasut tamarmik ningernermi assigiimmik pineqarnissaat malittarisassaqaalissaaq.

Tamatuma saniatigut Ataatsimiititaliamit kissaatigineqarpoq piniarnermut aallaaniarnermullu inatsimmut tunngatillugu, politiinit tusarniaanermi allakkiaq akissuteqaataat nassiunneqassasoq, uani ilanngunneqarpoq.

Inussiarnersumik Inuulluaqqusillunga

Karl Tobiassen

Aalisarnermut, Piniarnermullu Naalakkersuisoq



POLITIMESTEREN I GRØNLAND

Imaneq 22 - Postbox 1006 - 3900 Nuuk
Telefon (+299) 70 14 48-Telefax (+299) 32 41 94

Dato: 4. januar 2021

J.nr.: 55pm-10162-00109-20

SMO

Aalisarnermut, Piniarnermut Nunalerinermullu Naalakkersuisoqarfik

(mail-ikkuinnaq uunga nassiunneqassaaq: APNNcw.nature@agooq.com)

**Piniarneq Aalaaniarnerlu pillugit Inatsisartut Inatsisissaattut siunnersuummut
Kalaallit Nunaata Politiivinit tusarniaanermi akissut (Nanoq - ID nr.: 15619610)**

Kalaallit Nunaata Politiivisa tusarniaavigineqarnertik qutsatigaat.

§ 39 pillugu

Maluginiarneqarpoq § 39, imm. 2 allanngortinniarneqartoq imatut, taanna, piniarnermut allagartaqarsinnaatitaanermik paaaffigisaasoq, imaluunniit taanna § 15 imaluunniit § 16, imm. 4, naapertorlugu piniarnermut allagartamik arsaagaasoq, piniarnermut allagartamik arsaarinnissutigineqartumik kommunip allaffianut tunniussissasoq, Politiinuunngitsoq. Kalaallit Nunaata Politiivi tamatumani isumaqataapput.

Malugeqquneqarpoq, § 39, imm. 3-p imarisaa Pinerluttaalisitsinermi inatsimmi Piginnaatitaaffimmik annaasaqarnermut tunngasortaani, § 164, imm. 3 kiisalu § 165, imm. 3, naapertuummata Aalajangersagaq pineqartoq uagut paasinnittaaserput naapertorlugu pisariaqanngilaq. Paarlattuanik eqqarsaatigineqarsinnaavoq, Pinerluttaalisitsinermi Inatsit naapertorlugu piginnaatitaaffiigaaneq pigisaqaqqilernerlu innersuunneqartoq. Ilanngullugu oqaatigineqassaaq, Kalaallit Nunaata eqqartuussiveqarfiini eqqartuussutit nalunaarutigineqameq ajormata, taamaallaat aalajangiinerit eqqartuussinerillu.

§. 40 pillugu.

Aalajangersakani siunertarineqarpoq malittarisassanik aalajangersaanissaq oqaasertamikkut aammalu isumarisamikkut arsaarinnissuteqarnermi suliap ingerlanerani malittarisassanut naapertuuttumik aammalu ilanngullugu aalajangiisoqareernerata kingorna suliamik naammassinniineq.

§ 40, imm. 1 siunnersuummi imatut oqaasetaqarpoq:

Tunngavissaqarpat isummissalluni, angallat imaluunniit nunami angallassissut, una Inatsisartut Inatsisaat unioqqutillugu imaluunniit aalajangersakkat inatsimmut attuumassuteqartut unioqqutillugit atorneqarsimasoq, akiliisitsinermik imaluunniit arsaarinnissuteqarnermik kinguneqarsinnaasoq, taava Nakkutilliisussaataitanermik piginnaatitaaffeqartumit tiguneqarsinnaavoq. Nakkutilliisinnaasutut piginnaatitaaffeqartumik

arsaarinnissuteqarnek atuutinneqalerpat eqqaartuussisoqarnermi sulinermi kapitel 37, arsaarinnissuteqarnermut tunngasoq, naapertorlugu suliaq ingerlanneqassaaq.

Aalajangersagaq qivaraanni angallammik tigungminnikkallarnermi/arsaarinnissuteqarnermi aalajangersakkami suussuseq aallaavigalugu piumasaqaatitaqannginnera peqqutaalluni, Kalaallit Nunaata Politiivinit paasiuminaatsinneqarpoq, siunnersuummi eqqartuussiviup suleriaasiani kapitel 37 –mi oqaasertaliussanut innersuussineq nakkutilliisussaataitaasumut tigungminnikkallarnermi (arsaarinninnermi) piumasaqaatinik allanik imaqarnermaq, soorlu eqqartuussiviup sulianik ingerlatsinermi aalajangersakkanut kapitel 37-mi aalajangersarneqarsimasunut naapertuuttut, angallat uppernaasaataasinnaasoq, arsaarinnissutigineqassasoq imaluunniit akiliisitsinissamik assigisaanilluunniit piumasaqartoqarsimappat sillimmatitut inissisimassasoq imaluunniit kapitel 37-p innersuussutigineqarneranut taamaallaat tigungminnikkallarneq (arsaarinnissuteqarnek) kisimi eqqartuussivimmut tunniussinissamut eqqarsaataanersoq.

Oqaatigineqassaaq inatsimmi, eqqartuussiviup aalajangemissaa sioqqullugu suliap qanoq isikkoqarluni tunniunneqarnissaa erssernerlummat, kiap apeqqut assigisaalu tunniutissaneraa. Aalajangersagaq oqaasertai ilanngullugit taamatut isikkoqarluni ataatsimut isigalugu eqqartuussiviup suleriaasianut paatsiveerussataaginnassaaq.

Kalaallit Nunaata Politiivinit inassutigineqassaaq inatsimmi aalajangersakkat kapitel 37-mut naapertuuttut erseqqissarneqassasut. Tamanna ilaatigut pisinnaavoq inatsisissap qallunaat aalisarnermi inatsisaata § 131, imm. 2, aammalu § 135 (lbk. nr. 261, 21. marts 2019-meersoq) oqaasertaanut naleqqussameratigut. Tamatuma aamma kinguliini § 41-mi oqaasertaliunneqartut eqqarsarnartuinut naleqqutissagaluarpoq.

Ilanngullugu oqaatigineqassaaq nakkutilliisussaataitaasup piginnaatitaanemik atorunnaarsitsinermik/arsaarinninnissamik aalajangernerup naammagittaalliutigineqarsinnaanerata annertussusaa naapertorlugu, Kalaallit Nunaata Politiivi isumaqarput, annertussutsimik kissaateqarnek naapertorlugu, eqqartuussisussaataitaasoq tassaassammat suliamik eqqartuussivimmut ingerlatitsisussaq, allamik uniffeqarani paasissutissat naliliiniarnermi pisariaqartut ilanngullugit, suliassamik maanga nassiussisussaq. Tamatuma kingorna eqqartuussiniarnermi suleriuseq naapertorlugu nalunaaquttap akunneri 3x24 piffissarititaasut, § 422, imm. 3 naapertorlugu eqqartuussisup, suliassaq Namminersorlutik Oqartussanit tigungneraniit, ingerlateqqissavaa. Matumani oqaatigineqassaaq eqqartuussisussaataitaasup nammineq suliaq, piginnaatitaaffimmik atorunnaarsitsinerussanersoq/arsaarinninnerussanersoq nalilersussammagu. ilanngullugu oqaatigineqassaaq, taarsiivigineqarnissamik piumasaqaatit assigisaalu Namminersorlutik Oqartussat piginnaatitaaffigaanissamik/arsaarinninnissamik piumasaqaataanut attuumassuteqartut, politiit susassarinnigimmatigit, a a m m a l u N a m m i n e r s o r l u t i k O q a r t u s s a n i s u l i a r i n e q a r n i s s a a t i n n e r s u u s s u t i g i n e q a s s a m m a t, politiinut piumasaqaataassagaluarpat.

§ 41-mut tunngatillugu

§ 41-mut tunngatillugu oqaatigineqassaaq, siuliini oqaaserineqartut eqqarsaatigalugit, ilimagigakku, pinngitsaalilluni naammassinninniarnermi, akiliisitsinermi assigisaanilu, maleruagassat nalinginnaasut atorneqarumaartut.

Oqaatigineqassaaq politiit – aalajangerneq naapertorlugu akiliisitsinermik assigisaanilluunniit naammassiissagunik, takuuk eqqartuussiveqarnermi inatsimmi § 597, imm. 3, tamanna eqqartuussiveqarnermi Inatsit naapertorlugu ingerlanneqassammat. Uanilu oqaatigineqassaaq periarfissaqanngimmat pineqartoq, politiit akiliisitsinissamik assigisaanillu aalajangemerannik, eqqartuussivimmut ingerlatitseqqissinnaaneramik. Politiit aalajangemerata annertussusaa naapertorlugu tamanna allaffissornikkut Inatsiseqarnermut Naalakkersuisoqarfimmut ingerlateqqinneqarsinnaavoq.

§§ 42 aammalu 43


Kalaallit Nunaata Politiivisa paasisimavaat, Inatsiseqarnermi Naalakkersuisoqarfik siusinnerusukkut immikkut ittumik, ”allaffissornikkut akiliisitsiniarnermi”, Naalakkersuisut akiliisitsiniarnermi piginnaatitaaffiinut tunngatillugu, aalajangersakkanut oqaasertaliussat ilanngullugit, tusarniuteqartoqarsimasoq. Taannalu innersuussutigineqarpoq.

Med venlig hilsen



Line Mika Skov

Sekretariatschef



Simone Morsing

Juridisk fuldmægtig



Aalisarnermut. Piniarnermut Nunalerinermullu Ataatsimiititaliaq

Maani/

Aalisarnermut, Piniarnermut Nunalerinermullu Ataatsimiititaliap Inatsisartut piniarneq aallaaniarnerlu pillugit inatsisissatut siunnersuummut atatillugu apeqquteqaataannut akissuteqaatit

Dato: 16-03-2023
Sags nr.: 2023 - 5778
AKL nr.: 22775823

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Ataatsimiititaliap apeqquteqaataanut qujavunga. Aalisarnermut, Piniarnermut Nunalerinermullu Ataatsimiititaliaq marsip 9-ani 2023 piniarneq aallaaniarnerlu pillugit inatsisissamut siunnersuummut tunngasunik aappasaaneerneqartinnagu apeqquteqarpoq, akissuteqaatillu allakkami tulleriinneri malillugit akineqarlutik.

I. Najugaqavissuunissamut piunasaqaat (§ 7, § 10 aamma § 14)

a) Avataaniit tikittunit qassit piniarnermut allagartartaasimappat?

Akissut: Piniarneq aallaaniarnerlu pillugit Inatsisartut inatsisaat (UPA23/170) pillugu siunnersuummi § 7 Inuussutissarsiutigalugu piniarsinnaanermut allagartamut tunngassuteqarpoq, § 10 Inuussutissarsiutigalugu aamma sunngiffimmi aallaaniarsinnaanermut allagartamut immikkut akuersissuteqarsinnaanermut tunngavoq, kiisalu § 14 piniakkanik killilersukkanik sunngiffimmi piniarsinnaanermut aallaaniarsinnaanermullu akuersissuummut tunngalluni.

Taakku tamarmik immikkooruteqarput immikkoortillugillu akissavavut.

Akissuteqaammi uani nunaqavissut avataaneersullu immikkoortikkuminaapput, tassami Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersumi Kalaallit Nunaanni najugalittut inuit nalunaarsorsimaffiannut nalunaarneqarsimaneq (najukkamik nalunaaruteqarsimaneq) aammalu Kalaallit Nunaanni najugalittut inuit nalunaarsorsimaffiannut nalunaarneqarsimannginneq (najukkamik nalunaaruteqannginneq) apeqqutaatinneqarmata.

Inuussutissarsiutigalugu piniarsinnaanermut allagartamik inuit avataaneersut, tassa nunatsinni najugaqanngitsut allagartartaarsinnaanngillat, tassa ilaatigut nunatsinni ukiuni marlunni sivikinnerpaamik najugaqarsimanissaq piunasaqaataavoq, takuuk Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersaq, § 4, imm. 2, nr. 1-4. Immikkut akuerineqarnissamut qinnuteqartoqarsinnaavoq, qinnuteqartup Kalaallit Nunaannut attuumassuteqarnera aallaavigalugu tamanna naapertuuttutut isigineqarpat, qinnuteqartorlu ilinniarnermik assigisaanilluunniit pissuteqartumik Kalaallit Nunaata avataaniikkallarsimappat, takuuk § 4, imm.4. Tamannali qaqutigoortorujussuavoq.

Immikkut qinnuteqartartut tasaanerusarput § 4, imm. 4, tassa piniarnermit, aallaaniarnermit aalisarmermillu isertitaqartunut isertitat tamarmiusut ikinnerpaamik 50%-iisa nalinginik isertitaqarnissamut piunasaqaammit immikkut akuersissuummik qinnuteqarneq.

Inuussutissarsiutigalugu piniarsinnaanermut allagartamut immikkut akuersissutilit 2022-mi 116-iupput.

Sunnigiffimmi aallaaniarsinnaanermut allagartamut tunngatillugu avataaniit tikittut nunatsinni najugaqalersimasut sunngiffimmi aallaaniarsinnaanermut allagartamik kommunemut qinnuteqarsinnaapput allagartamillu tunineqarsinnaallutik, takuuk § 4, imm. 3. Tassanilu piumasaqaataavoq nunatsinni najugalittut inuit nalunaarsorsimaffiannut nalunaarneqarsimasut allassimanissaat.

Taakku sunngiffimmi aallaaniarsinnaanermut allagartallit allat peqatigalugit allat-torsimaffimmiipput, tassa ukioq 2022-mi 5.703-iupput.

Nunatsinni najugaqarani sunngiffimmi aallaaniarsinnaanermut immikkut ittumik akuersissummik qinnuteqartoqarsinnaavoq, takuuk § 4, imm. 4. Tunineqarsinnaal-lunilu qinnuteqartup Kalaallit Nunaannut attuumassuteqarnera aallaavigalugu tamanna naapertuuttut isigineqarpat, qinnuteqartorlu ilinniarnermik assigisaanilluunniit pissuteqartumik Kalaallit Nunaata avataaniikkallarsimappat. Nunatta avataani najugalit qinnuteqartartut tassaanusarput SIRIUS patruljemi Station Nordimilu sulisut kiisalu nunatsinneersut Danmarkimi ilinniartut.

2022-mi sunngiffimmi aallaaniarsinnaanermut allagartamik immikkut akuersis-summik tunineqartut 31-upput.

Piniakkanik killilersukkanik sunngiffimmi piniarsinnaanermut aallaaniarsinnaanermullu akuersissutit kommuninit tunniunneqartarput, akuersissutillu taakku inun-nut Kalaallit Nunaanni najugalittut inuit nalunaarsorsimaffiannut nalunaarneqarsimasunut qinnuteqarnikkut tunniunneqarsinnaapput, qinnuteqarfissaq sioq-qullugu Kalaallit Nunaanni najugalittut ukiuni qaangiuttuni marlunni nalunaars-orneqareersimasunut, takuuk § 5. Ukiut marluk ataallugit nunatsinni najugaqarsi-masunut piniakkanut killilersukkanut sunngiffimmi piniarsinnaanermut aallaania-rsinnaanermullu akuersissummik tunniussisoqarsinnaanngilaq.

b) Avataaniit tikittunit ukiut marluk qaangiutereerneraniit qassit piniarnermut al-lagartartaartarpat?

Akissut: Nunatta avataaneersunik inuussutissarsiutigalugu piniarsinnaanermut al-lagartamik ukiut marluk sinnerlugit nunatsinni najugaqareernerminni qinnuteqart-artut amerlassusii ilisimaneqanngillat. Sumi inunngorsimaneq apeqqutaatinnagit piniarnermut allagartartaarnissamut piumasaqaatinik naammassinnittut inuussu-tissarsiutigalugu piniarsinnaanermut allagartartaarsinnaasarput. Taamaattumillu immikkut kisitsisaatiginngilavut.

Piniakkanik killilersukkanik sunngiffimmi piniarsinnaanermut aallaaniarsinnaanermullu akuersissutit kommunimit suliarineqartarput, taakkulu APN-imi ki-sitsisaatiginngilavut.

c) Nunaqavissut avataaneersullu qassit piniarnermut allagartartaartarpat?

Akissut: Nunaqavissut, tassa nunatsinni najukkaminik nalunaarsorsimasut, inu-ussutissarsiutigalugu piniarsinnaanermut allagartallit 2022-mi 1.650-iupput. Taakkualu saniatigut inuussutissarsiutigalugu piniarsinnaanermut immikkut aku-ersissuteqarnikkut allagartallit 116-iullutik.

Avataaneersut, tassa nunatsinni najukkaminik nalunaarsoqqanngitsut, inuussuti-sarsiutigalugu piniarsinnaanermut allagartartaarsinnaanngillat.

2. Akiliisitsilluni piniariartitsisartutut akuersissuteqarneq (§ 18)

a) Akiliisitsilluni piniariartitsisartutut akuersissuteqalernissamut piumasaqaatit suuppat?

Akissut: Kalaallit Nunaanni akiliisitsilluni piniartitsinissamut akuersissummik pissarsissagaanni piumasaqaatit naammassisariaqartut arlaqarput. Siullertut Kalaallit Nunaanni nunaqavissuusariaqarpoq. Kalaallit Nunaanni inatsisit malillugit inuussutissarsiornermik ingerlataqarsinnaanermut piumasaqaatinik naammassininnissaq aammattaq piumasaqaataavoq. Uumasunik pineqartunik akiliisitsilluni piniartitsinermik ingerlataqarsinnaanermut uppersaateqarnissaq aamma piumasaqaataavoq, soorlu pikkorissarnerit imaluunniit ilinniarnert naleqquttut naammassisimanissaannut.

b) Avataaniit tikittut qanoq amerlatigisut akiliisitsilluni piniariartitsisartutut akuersissuteqarpat?

Akissut: Akiliisitsilluni piniartitsinermut akuersissuteqartut ingerlasut tamarmik Kalaallit Nunaanni nunaqavissuupput.

c) Nunaqavissut akiliisitsilluni piniariartitsisartutut akuersissuteqarnissamut immikkut isiginiarneqartalernissaannut Naalakkersuisut pilersaaruteqarnerlutik?

Akissut: Apeqqut 2-mut akissummi taaneqareersutut, Kalaallit Nunaanni nunaqavissuunissaq piumasaqaataavoq, taamaammallu maani nunaqavissut tamarmik inuit allattorsimaffianni allattorsimasuutigineqartut akiliisitsilluni piniartitsinissamut akuersissummik pissarsinissamut periarfissaqarput. Pisinnaaneq aamma misilittagaqarneq taamaallaat isiginiarneqartarput.

3. Pisanik tuniniaaneq nalunaarsuisarnerlu (§ 23)

a) Pisanik tuniniaanermi nalunaarsuinermut malittarisassat qanoq isikkoqasappat, soorlu Facebookimi tuniniaanermi?

Akissut: Siunnersuummi § 23 piginnaatitsinermik aalajangersagaavoq, piniakkanik killilersukkanik akuersissutitalimmillu piniarneqartartunik tuniniaaneq pillugu Naalakkersuisunut malittarisassanik sukumiinerusunik aalajangersaansamut periarfissiilluartoq. Piniakkanik akuersissutitalimmik piniarneqartartunik killilersukkanillu immikkut ittunik internetikkut tuniniaasinnaanerup killilersimaarnissaa, inerteqqutigittinneqarnissaa imaluunniit piffissani aalajangersimasuni tuniniaasinnaaneq assersuutaasinnaapput.

4. Piniagassanut uumasunut angallatit nunakkoortilluunniit motorillit minnerpaamik 500 meterinik ungasissuseqarfigineqassapput (§ 26)

a) 500 meterimik ungasissuseqarnissamut piumasaqaat malillugu qaqugukkut piniarnermi qamuteralaat qimusserneq pinnagu atorneqarsinnaappat?

Akissut: Nunami 500 meter-nik ungasissuseqarnissamut piunasaqaat nunaminertani tuttoqarfiusuni umimmaqarfiusunilu assartuutunik motorilinnik atuinnermut atillugu atuuppoq. Illoqarfiit nunaqarfiillu avataanni assartuutunik motorilinnik, soorlu qamuteralannik ATV-nillu, atuneq kommunini ileqqoreqqusaliornikkut malittarisassiuunneqartarpoq. Taamaammatt assartuutunik motorilinnik atuneq kommunimi ileqqoreqqussaq malillugu taamaallaat nunaminertani taamaaliornissamut akuerisaasuni periarfissaavoq. Taamaattorli assersuutigalugu tuttunnarnermi umimmanniarnermilu assartuutunik motorilinnik atuinissaq qaquguk-kulluunniit inerteqqutaavoq.

b) Qamuteralaat qimussillu pillugit malittarisassat sinaakkuteqartinneqarneri kommunit qanoq inissisimaffigivaat?

Akissut: Illoqarfiit nunaqarfiillu avataanni motorilinnik atuneq sunaluunniit taaneqareersutuut kommunini ileqqoreqqusaliornikkut malittarisassiuunneqartarpoq. Qimuttunik qimmeqarfiusuni qimussimik atuinissaq tamatigut periarfissasarpooq.

c) 500 m-mik piunasaqaatip umimmannianiit peeqqunera, Naalackersuisut qanoq isumaqarfigaat?

Akissut: Aalisarnermut Piniarnermullu Naalackersuisoqarfiup piniartuniit kissaatigineqartoq pillugu Pinngortitaleriffik oqaloqatiginikuuvaa. Pinngortitaleriffiup inassutigaa 500 meter-nik ungasissuseqarnissaq pillugu piunasaqaat peerneqassanngitsoq taamatullu allanngortinneqassanngitsoq, pissutigalugu uumasut motorillit nipituuliortarnerannut malussarissuummata taamaammallu neriniartarfiinniit pitsaanerniit qimaatinneqartarlutik. Assartuutit motorillit tuttunut umimmannullu uippakajaartitsinermik kinguneqartarput.

d) Umimmak aallaareeraanni, qamuteralannik ornillugu pilaatoqarsinnaavaa?

Akissut: Umimmak pisareerelugu aatorneqarnissaanik siunertaqartumik qanillisoqarsinnaavoq.

5. Pisap ilaanic qimatsiinnarneq (§ 26, imm. 6 aamma § 40, imm. 1, nr. 1)

a) "Pisap ilaanic qimatsiinnarneq" qanoq paasineqassava?

Akissut: "Pisap ilaanic qimatsiinnarneq" pisap atorneqarsinnaasortaannik qimatsiinnarnertut paasineqassaaq, soorlu neqaa, mattaa, orsua aamma amia.

b) Piniarfinni umiatsiamik ornittakkani tupeqarfinni eqqagassat uuliakullu qimaannakkat taassuma iluaniittutut paasineqassappat?

Akissut: Naamik. Tupeqarfinni eqqagassat umiatsiamillu piniarnermut atillugu ornittakkani uuliakunik qimaannakkat kommunip suliaarigai inatsisini Nunalerinnermut, Imminut Pilersornermut, Nukissiuutinut Avatangiisinullu Naalackersuisoqarfiup oqartussaaffigisaani tunngaveqarput.

c) Piniartut saleeqqaarneq ajortut piniarnermut allagartaannik arsaarneqarsinnaanerit Inatsimmut ilanngutissallugu periarfissaqarpa?

Akissut: § 40, imm. 1, nr. 1, malillugu § 26, imm. 6-mik pisamik qimatsiinnarnermut tunngassuteqartumik unioqqutitsisoqarnerani akiliisitsinermik pineqaatissiisuteqarnissamut periarfissaqarpoq. Pisuni ilungersunartuni § 40, imm. 4, malillugu akuersissummi piunasaqaatinik unioqqutitsisoqarnerani akuersissut atorunnaarsinneqarsinnaavoq. Tamanna taaneqareersutuut piniarnermut tunngasunut taamaallaat atuuppoq, pissutigalugu eqqagassalerineq kommunip suliasarim-magu Naalackersuisoqarfimmiillu allamik oqartussaaffigineqarmat inatsit alla tunngavigalugu.

6. CVR/GER normut atorngit CPR-normut piniartunit atorneqartarneri:

a) Pisaqarnermi CVR GER normunillu atuneq pillugu Naalackersuisut erseqqissaasinnaappat?

Akissut: CVR tassaavoq Qitiusumik Suliffeqarfinnik Nalunaarsuiffik tassaallunilu naalagaaffiup suliffeqarfiit pillugit tunngaviummik paasissutissanik nalunaarsuiffia, tamannalu suliffeqarfiit CVR-mut nalunaarsorsimasut pillugit paasissutissanik tamanik imaqarpoq. CVR-normu tassaavoq suliffeqarfiup kinaassutsumik normua, soorlu innuttaasut tamarmik CPR-normuqartut.

CVR-normu kisitsinik arfineq-pingasunik imaqarpoq suliffeqarfimmullu pineqartumut atuuppoq asseqarani, normulu pineqartoq pisuni tamani suliffeqarfimmit pisortanut oqartussaasunut, sullitanut, SKAT-mut il. il., kinaassutsumik takutitsiffiusariaqartuni tamani atorneqartoq. CVR-register-imut nalunaarsorsimanissap taamaalilluni siunertaraa inuussutissarsiummik suliffeqarfiup kinaassutsumik uppersarneqarsinnaanissaa.

Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaat nr. 33, 28. november 2016-imeersoq malillugu Kalaallit Nunaanni inuussutissarsiummik ingerlatsisut tamarmik CVR-mik nalunaarsuiffimmi nalunaarsorneqarsimanissaat piunasaqaataavoq.

Ilanngullugu oqaatigineqassaaq inuup ataatsip suliffeqarfiutaa CVR-mik nalunaarsuiffimmi nalunaarsorneqarnissaat akeqanngimmat.

b) CVR GER normullu atorunnaarlugit CPR normut atulissappat?

Akissut: Naamik. CPR-normut inunnit privatinit atorneqartarput CVR-normut suliffeqarfinit atorneqartarput.

7. Aallaaniarsinnaanermut misilitsinneq, eqqiluisaarnermut pikkorissaanerit allallu:

a) aallaaniarsinnaanermut misilitsissinnaaneq (§19) eqqiluisaarnermullu pikkorissaanerit (§24, imm. 5) Naalackersuisut qanoq piviusunngortinniarpaa?

Akissut: Aallaaniarsinnaanermut misilitsissinnaaneq pineqartillugu maannakkut Naalackersuisut misilitsissinnaanerup piviusunngortinnissaanut pilersaaruteqarfiginngilaat aningaasaliiffigineqarnikuunngimmat. Taassuma saniatigut suliaasaq sulisussaqaartinneqanngilaq, aamma allaffissornermik, Namminersorlutik Oqartussani kommunenilu sulisunik ilinniartitseqqaarnissamik kiisalu aserfallatsaalinnissaq aammalu piffissami ineriartortinnissaa pisariaqassammat. Malittarisassap atuutilersinneqarneratigut kommuneni Namminersorlutik Oqartussanilu allaffissorneq aningaasartuutillu annertusissapput. Taamaattumik aappasaarinissamut atatillugu Naalackersuisut isumaliuutigaaq malittarisassap pineqartup peerneqarnissaa. Aalajangersagaq maanna inatsimmi atuuttumi ingerlatitseqqiinerugaluarpog.

Eqqiluisaarnermut pikkorissaanerit INULI aqutigalugu inunnt pisariaqartitsisunut neqeroortigineqartarpoq, suliap ingerlanneqarnissaa INULI-mut suliakkiutaanikummat. INULI-llu suliaasaqarfissaa ilaanniippoq, taamaattorli peqataasut ikinnerpaaffeqarnissaanut piumasaqaat pikkorissaanissamut neqeroortoqarnerani atuuppoq.

8. Piniarnermut nakkutilliisoqarneq:

UKA2022-mi piniarnermut aalisarnermullu nakkutiginninneq Naalackersuisunit tamakkiisumik periusissamik aamma suliaassamut pilersaarumiamik aallartitsinissaannut aalajangiiffigineqarput kingusinnerpaamillu UKA2023-mi Inatsisartunut nassiunneqassalluni.

a) Suliassamut pilersaarut sumut killippa?

Akissut: KANUAANA tamakkiisumik periusissamik aamma suliaqarnissamik naliliinermik ingerlataqarpoq. Inatsisartut ukiakkut ataatsimiinneranni tamanna tunniunneqassaaq, soorlu isumaliutissiisummi Aalisarnek, Piniarneq Nunalerinerlu pillugit Ataatsimiititaliamit 31. oktobarimi 2022-mi tunniunneqartumi takuneqarsinnaasoq.

b) Piniarneq aallaaniarnerlu pillugit inatsisip nutaap naammassineqarnissaa suliassanut pilersaarummi sillimaffigineqarsimava?

Akissut: Aap, suliassamut pilersaarummi piniarneq aallaaniarnerlu pillugit inatsisip nutaaq sillimaffigineqarpoq.


c) Piniarnermut aallaaniarnermullu nakkutilliisoqarnissamut inatsisip nutaap pitsaanerpaamik atuutsilernissaa Naalackersuisut qanoq qulakkeerniarpaat?

Akissut: Immikkoortoq b-mi akissuteqaat takuuk.

Ataatsimiititaliamut ilisimatitsissutigissavara Naalackersuisut ileqqutoqqamut perngartitsinermut tunngasumik malittarisassamik siunnersuuteqalersaarmata

piniakkat killilersukkat ilaat aammalu killilersugaanngitsut pillugit. Soorlu assersuutitut tuttumik timmissamilluunniit perngarneq. Malittarisassamik tassunga tunngasumik siunnersuummik suliaqartoqareerpoq. Allanguutissatullu siunnersuuteqarneq pissaaq inatsisissamut siunnersuutip aappassaarneqarneranut atatillugu. Aappassaaneerinissamut akissutit ilaattut ilanngullugu Naalackersuisut saqqummiutilersaarpaat.

Inussiarnersumik inuulluaqqusillunga



Karl Tobiassen

Aalisarnemut, Piniarnemullu Naalackersuisoq